

444 7
75

Declaratio

*Illustrissimorum & Excellentissimorum
Dominorum*

Sacræ Reg. Mtis. Regniq̃;

SVECIÆ

ad Tractatus Pacis in Prussia

Legatorum Plenipotentiariorum,

pro Pace & libertate omnium ab

Ecclesia Catholico-Romana de Religione in Po-
lonia Disidentium in puncto Amnestiæ

secundum avitas leges Regni cautâ;

ex ipso Originali publici juris facta

Anno M. DC. LX.

STETINI, TYPIS JOH. VAL. RHETII.

60

Lectori Salutem.

EN tibi, benevole Lector, Dominorum Ser:^{mi}
Regis Regniq; Sveciæ ad Tractatus Pacis in Prussia nuper
conclusæ Legatorum Plenipotentiariorum Declarationem,
quam ibidem fecerunt: Non, quod vel Dissidentium ab Eccle-
sia Pontificia causæ æquitati & antiquis Eorum Juribus, vel
cautioni Generalis Amnestiæ diffident; sed, quod jam tum
fama evulgasset, nonnullos Religioni Romano-Catholicæ in-
tempestivo zelo addictos præsumere, articulum de Amnestia
contra genuinum Ejus sensum explicare, & velle executioni
dare leges tempore belli latas, quæ reasumunt Statutum Ja-
gellonis Confœderationibus Regni antiquatum: Quippe
quod Omnibus ab Ecclesia Pontificia Dissidentibus pernicio-
sum est, & Jurisdictionem Cleri atq; Inquisitionem Hispani-
cam introducit. Igitur, cum præacti Dnn. Legati Svecici
asseverarint, nunquam sibi in mentem venisse, ut pro LEGI-
BUS REGNI, ac pro Pace & Libertate Dissidentium, Leges
pendente bello latæ contra Pacem & Libertatem Dissidenti-
um intelligerentur; Declaratione hac testari voluerunt, Parti
Svecicæ Sensum Amnestiæ præposterum affricari, & alteram
Transigentium Partem minus rectè sibi soli arrogare Amne-
stiæ Interpretationem, quæ leges Regni Poloniæ, nec non
Juramenta & Diplomata Regum, ipsamq; aded Amnestiæ na-
turam convelleret. Vale, Lector benevole, & qui Evangelici-
cam & Orthodoxam Religionem profiteris, vide, ut te, post
tot tristitia violatæ Libertatis Conscientiarum experimenta,
saltem aliena pericula & damna faciant cautum.

Sacræ Regiæ Majestatis Regniq;
Sveciæ ad Pacificationem in Borussia Legati
Commisarii Plenipotentarii.

Notum, testatumq; facimus,
quod, licet à Religione Romano-Catholica in
Regno Polonia, Magnaq; Ducatu Lithvania dissen-
tes, in moderno Instrumento Pacis Svecico-Polonice,
Articulo de Amnestia II^{do}, per expressum non sint no-
minati, dicta tamen Amnestia, tam generalis, quam
specialis, etiam illos concernat, eaq; ipsi totâ frui de-
beant. Neque enim Legationi Svedicæ mens fuit, ul-
las Leges antiquas & antiquatas, contra hereticos,
sic dictos, sancitas, vel etiam novas durante hoc bello
(quo meritò præsumi debet ac potest, nihil esse inno-
vandum) latas hoc tractatu confirmandi, sed po-
tius, ut hac Pacificatione cuncta in eum statum, qui
ante hoc bellum fuit, reducantur, nec cuiquam,
quod partes S^c. R^e. M^{is}. Sveciæ secutus fuerit, sub
quocunq; prætextu noxæ & fraudi sit, efficiendi.
Ac proinde declaramus ac testamur, verba in §. 2.
præfati articuli: Secundum leges Regni: ex parte
Nostra non aliam vel antehac admisisse, vel etiam
num

num admittere interpretationem posse, quàm ut unusquisque sine exceptione, & cujuscunque Status, conditionis ac Religionis sit, gaudere debeat juribus, privilegiis & consuetudinibus, tam in Ecclesiasticis, quam profanis, secundum leges regni, sicut ante hoc bellum observatum fuit. In cujus rei fidem præsens Attestatum manibus nostris subscripsimus, & Sigillo Legationis Majori roborari fecimus. Sobothi die 27. Maji Anno 1660.

Magnus Gabriel de la Gardie.

Benedictus Grenstierna.

Christoph. Carolus Schlippenbach.

A. Gylldenclan.



Godofredus von Schröder/
Legationis Secretarius.